



UKA 2018/186  
9. oktober 2018  
Aqqaluk Heilmann

**Uunga siunnersuut: Avatangiisinut aningaasaateqarfik pillugu Inatsisartut inatsisissaat nr. xx, xx. xxx 2018-imeersoq**

(Naalakkersuisut Siulittaasuat)

Nunatsinni najugaqarfinni tamani atuisuusugut kiisalu imartatta nunallu qaavani uumassusillit minguitsumi najugaqarnissarput uagut inuit atuisartuusut tamatta akisussaaffigigatsigu, tamannalu tunngavigalugu pisussaaffeqarnerput nakkutilliinissamik suli inatsisitigut nukittunerusumik akisussaaffiligaanissarput isuma tamakkiisumik tapersorsorparput.

Siunnersuut avatangiisinut aningaasaateqarfimmik pilersitsinissaq Atassummiit ima oqaaseqarfigissavarput.

Avatangiisinut akitsuutinit il.il., nioqqutissat sulianilluunniit avatangiisinut immikkut nanertuutaasinnaasutut nalilerneqarsimasut akitsuusersorneqarnerinit isertitanit kiisalu Nunap karsianit aningaasaliissutitigut.

Siunnersuut annertuumik iluaqutissartaqarmat iluatinnaateqartipparput, oqaatigineqareersutut avatangiisinut aningaasaateqarfiup isertitai avatangiisinut pitsanngorsaatisatut suliniutinut aningaasaateqarfiullu siunertaata iluani ingerlatanut atorpeqartarnissaat nunatsinni atuisartuusunut tamanut iluaqutissiisussaavoq, eqqangalerinikkut aammalu pinngortitami saliinermik annertuumik nassataqartussaalluni.

Eqqaavilerinikkut killiffipput qiviraanni suleriaasissamik nutaajusumik misileraanissap aallarnisaleruttorfiani, eqqangalerinikkut ikuallaaveqarnikkullu suliffissualiornissamut isuma tunngaviatigut Atassummiit tapersorsorparput.

Taamatullu kommuni-t suleqatigisinnaanerinut suliamillu ineriartortitsiuarnissaq aamma neriulluarfigigatsigu, eqqakkat atoqqinneqarsinnaasut allatigulluunniit iluaqutiginiarneqarsinnaasutut periarfissat inerisarneqarnissaat nutaamik atuisuusugut tamatta peqataaffigisariaqaripput atassut kaammattuivoq.

Taamatut isikkoqartillugu Atassummiit ataatsimiititaliamut ingerlateqqinneqarnissaa innersuupparput.